



**Kontrollutvalget i Kautokeino kommune  
Guovdageainnu suohkana dárkkistanlávdegoddi**

**Møte nr. 2/2016**  
26. Oktober 2016

Arkivkode  
4/1 05  
Journalnr.  
2016/15059-11

**Á Š Š E Č I L G E H U S**

---

**Ášši 14/2016**

**ÁLGGAHIT HÁLDDAŠANREVIŠUVNNA PROŠEAVTTA  
MEROŠTALLAT MOT DIVADAT GOKČET ČDČ SUORGGI GOLUID**

**Áššemeannudeaddji:** Jan Henning Fosshaug

**Duogáš:** Guovdageainnu suohkana hálddašanrevisuvdnaplána 2013 – 2016 dárkkistanlávdegoddi mearrádusa áššis 21/12 mielde ja suohkanstivrra mearrádus áššis 68/12 mielde.

**Áššebábir (mielddus):**

Oarje-Finnmárkku suohkanrevisuvdna IKS dokumeanta:

Oppstart av forvaltningsrevisjonsprosjekt: «*Beregning av selvkost på VAR-området*».

**Áššečilgehus:**

Čujuhit revisuvnna áššedokumentii mii lea mielddusin, čiekŋudeaddji áššedieduiguin ahte mii lea duogáš, rádjén, čadaheapmi ja gažaldatevttohusat hálddašanrevisuvdnaprošektii: «*Meroštallat mot divadat gokčet ČDČ suorggi goluid*».

Čállingottis lea dárkkistanlávdegotteláhkaásahusa § 20 vuodul iešheanalaš ovddasvástádus geahčeat bearrái ahte áššit maid dárkkistanlávdegoddi meannuda leat dohkalaččat meannuduvvon. Čállingotti árvvoštallama mielde lea revisuvnna ovdanbuktin áššebáhpiris, ja dat gažaldatevttohusaid mat das ovdanbohtet, Guovdageainnu suohkana hálddašanrevisuvnna plána 2013 – 2016 mielde.

**Čállingotti rávvejupmi:**

Dárkkistanlávdegoddi guorrasa daidda dieđuide ja rávvejumiide mat leat suohkanrevišuvnna áššebáhpiris mii lea mielddusin, ja mearridan álggahit hálddašanrevišuvnnaprošeavtta «*Meroštallat mot divadat gokčet ČDČ suorggi goluid*».

Dárkkistanlávdegoddi mearrida čuovvovaš gažaldaga hálddašanprošektii:

**Lea go Guovdageainnu suohkanis dohkálaš vuogádat meroštallat movt divadat gokčet ČDČ-suorggi goluid?**

Dárkkistanlávdegoddi diktá revišuvnna ráhkadit vuolitgažaldagiad ja vejolaš lassigažaldagaid čadnon namuhuvvon váldogažaldahkii.